



МОНГОЛ УЛС
БАЯНХОНГОР АЙМГИЙН ЗАСАГ ДАРГЫН
ЗАХИРАМЖ

2024 оны 05 сарын 27 өдөр

Дугаар А/315

Номгон

Г Бог малыг мялзан, цэцэг өвчнөөс урьдчилан
сэргийлэх хам вакциныг яаралтай дархлаажуулах
ажлыг зохион байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.1, Гамшгаас хамгаалах тухай хуулийн 32 дугаар зүйлийн 32.1.1, “Бог малыг мялзан, цэцэг өвчнөөс урьдчилан сэргийлэх хам вакциныг яаралтай дархлаажуулах ажлыг зохион байгуулах тухай” Мал эмнэлгийн ерөнхий газрын даргын 2024 оны 05 дугаар сарын 07-ны өдрийн А/164 дүгээр тушаалыг тус тус үндэслэн ЗАХИРАМЖЛАХ нь:

1.Бог малыг мялзан, цэцэг өвчнөөс урьдчилан сэргийлэх яаралтай дархлаажуулалтын арга хэмжээг зохион байгуулах удирдамжийг нэгдүгээр, дархлаажуулалтын төлөвлөгөөг хоёрдугаар хавсралтаар тус тус баталсугай.

2.Бог малыг мялзан, цэцэг өвчнөөс урьдчилан сэргийлэх хам вакцины дархлаажуулалтын арга хэмжээг 2024 оны 05 дугаар сарын 24-ний өдрөөс эхлэн 10 хоногийн хугацаанд батлагдсан хуваарийн дагуу, технологит хугацаанд нь шуурхай зохион байгуулж, мэргэжил арга зүй, заавар, зөвлөмжөөр хангаж ажиллахыг Мал эмнэлгийн газар (Л.Оюун-Эрдэнэ)-т даалгасугай.

3.Дархлаажуулалт хийгдэж буй нутагт дэвсгэрт 28 хоног буюу “Вакцины дархлаа” тогтох хүртлэх хугацаанд малчдын нүүдэл, малын шилжилт хөдөлгөөнд хяналт тавьж ажиллахыг Цагдаагийн газар (Б.Мөнхбаяр), Мал эмнэлгийн газар (Л.Оюун-Эрдэнэ), сум, багийн Засаг дарга нарт тус тус үүрэг болгосугай.

4.Захирамжийн хэрэгжилтэд хяналт тавьж ажиллахыг аймгийн Засаг даргын орлогч (Б.Батсуур)-д даалгасугай.

ДАРГА



Д.МӨНХСАЙХАН

624010763

Аймгийн Засаг даргын 04 оны 05 дугаар сарын
27-ны өдрийн 1/15 дугаар захирамжийн
1 дүгээр хавсралт

УДИРДАМЖ

Бог малыг мялзан, цэцэг өвчнөөс урьдчилан сэргийлэх
хам вакцины дархлаажуулалтыг яаралтай зохион
байгуулах тухай

НЭГ. ҮНДЭСЛЭЛ, ЗОРИЛГО

Хил дамжин халдварладаг Гоц халдварт хонины цэцэг өвчний тохиолдол зарим аймгийн сумдад оношлогдож өргөн уудам газар нутгийг хамран өвчлөл үргэлжилж байгаа бэлчээрийн мал, маллагааны онцлог зэргийг харгалзан эрсдэл бүхий хонин сүргийг дархлаажуулах арга хэмжээг хэрэгжүүлэхэд энэхүү ажлын үндэслэл, зорилго оршино.

ХОЁР. АЖИЛЛАХ БҮРЭЛДЭХҮҮН, ХУГАЦАА

2.1. Хонины цэцэг өвчнөөс урьдчилан сэргийлэх дархлаажуулалтыг 2024 оны 05 дугаар сарын 20-ны өдрөөс хойш 10 хоногийн дотор хийж гүйцэтгэх;

2.2. Дархлаажуулалтын ажилд дайчлах хүн хүчний асуудлыг аймаг, сумын Засаг дарга болон холбогдох бусад байгууллагад уламжлан шийдвэрлүүлж, богино хугацаанд үр дүнтэй, шуурхай зохион байгуулах;

2.3. Дархлаажуулалтын ажлыг орон нутгийн түвшинд хариуцан хэрэгжүүлэхэд сумдын мал эмнэлгийн тасаг, багийн Засаг дарга нарыг дайчлах мөн түүнд хяналт тавих ажилд аймгийн Мал эмнэлгийн газрын эмч, мэргэжилтэн, мал эмнэлгийн хяналтын улсын байцаагч нарыг ажиллуулах;

2.4. Сум, багийн Засаг дарга эсхүл дархлаажуулалтын багийг ахалж яваа хүн нь малчдын мал, тарилгын хашаа байрыг урьдчилан бэлтгүүлэх үүрэгтэй оролцох;

2.5. Тарилгын явц, гүйцэтгэлд хяналт тавихаар томилогдсон ажлын хэсэгт вакцины заавар, зөвлөмжийг танилцуулах;

ГУРАВ. ХЭРЭГЖҮҮЛЭХ АРГА ХЭМЖЭЭ

3.1. Аймгийн Мал эмнэлгийн газар, сумын Мал эмнэлгийн тасгаас тарилгын явц, гүйцэтгэлд хяналт шалгалт тавихаар томилогдсон ажлын хэсэгт вакцины заавар, зөвлөмжийг танилцуулах;

3.2. Хяналтын ажлын хэсэг нь вакцины хадгалалт, хамгаалалт, тээвэрлэлтийн горим зөрчигдөж байгаа эсэх, тарилгын явцад технологийн алдаа гарч байгаа эсэх, орхигдсон айл өрх, мал байгаа эсэх, тарилгыг зураглалын дагуу гүйцэтгэж байгаа

2.

эсэх, тухайн суурийн малд хонины цэцэг, шүлхий, бог малын мялзан өвчний эмнэл зүйн үзлэг хийж байгаа эсэхийг нягтлах;

3.3. Дархлаажуулалтын арга хэмжээг хэрэгжүүлэхдээ цаг агаарын байдалтай холбогдуулан багийн гишүүдийн аюулгүй байдлыг хангасан байхаар арга хэмжээг зохион байгуулах;

3.4. Хонины цэцэг өвчнөөс урьдчилан сэргийлэх дархлаажуулалтын арга хэмжээ хэрэгжүүлэх зураглалыг сум болон багийн түвшинд гаргаж, зураглалын дагуу тарилгын ажлыг гүйцэтгэх;

3.5. Тухайн вакцины хэрэглэх заавар болон хадгалах, тээвэрлэх нөхцөлийн талаар мал эмнэлгийн ажил, үйлчилгээний нэгжийн эмч нарт тусгайлан танилцуулж, гарын үсэг зуруулж, баталгаажуулах;

3.6. Дархлаажуулалт хийгдэж буй тухайн сум, багийн эрсдэл бүхий нутагт өөр аймаг, сумаас оторлож яваа малыг тарилгад хамруулах ажлыг зохион байгуулах;

3.7. Дархлаажуулалтын арга хэмжээнд автомат тариур хэрэглэхээс зайлсхийж аль болох нэг удаагийн тариур ашиглах;

3.8. Автомат тариур ашигласан тохиолдолд хий сорогдох, дутуу болон гадуур нь шахагдах зэрэг алдаанаас зайлсхийх, нэг өрхөд ашигласан тариурын зүүг дараагийн өрхөд ашиглахгүй байх, өрх бүрийн малыг дархлаажуулахын өмнө тодорхой тооны малд тарилга хийж технологийн дагуу таригдаж байгаа эсэхийг шалгах;

3.9. Вакциныг малчинд үлдээх, мал, амьтан эмчлэх итгэмжлэлгүй этгээд, улсын байцаагчийн дүгнэлтгүй мал эмнэлгийн үйлчилгээ эрхлэгч, алдаа гаргасан малын эмч нар тарилга хийхийг хориглох, дархлаажуулсны дараа дахин өвчлөл бүртгэгдсэн тохиолдолд холбогдох хуулийн дагуу арга хэмжээг хэрэгжүүлэх;

3.10. Дархлаажуулалтын арга хэмжээний талаар зохих мэдээлэл, урьдчилан сэргийлэх арга хэмжээний зөвлөмжийг малчдад өгөх;

3.11. Вакциныг хэрэглэх зааварт заасан дархлаа бүрэн тогтох хугацаа хүртэл тарилгад хамрагдсан өрх нь отор нүүдэл хийхгүй байх талаарх анхааруулга, зөвлөгөөг малчдад өгөх;

ДӨРӨВ. ТАЙЛАГНАХ

4.1. Дархлаажуулсан малыг ялган тэмдэглэх /малчдаар будаг бэлдүүлэх, будуулах гэх мэтээр/, өрхийн малын эрүүл мэндийн дэвтэрт бичилт хийх, Мал эмнэлгийн нэгдсэн цахим систем-д мэдээллийг малчны хотноос заавал оруулах,

3.

тарилгын явцад хонины цэцгийн болон бусад халдварт өвчний шинж тэмдгийн үзлэг, ажиглалтын арга хэмжээг хэрэгжүүлэх;

4.2. Дархлаажуулалтын арга хэмжээнд малаа хамруулахаас татгалзсан болон бусад шалтгааны улмаас хамрагдаагүй өрх, малын судалгааг гарган аймгийн мал эмнэлгийн газарт яаралтай мэдэгдэж, нэгдсэн мэдээллийг зохих хяналтын байгууллагад хүргүүлж, холбогдох хуулийн дагуу арга хэмжээ тооцуулах;

4.3. Дархлаажуулалтын ажлыг дүгнэхдээ малын тооны статистик мэдээлэл болон дархлаажуулалтад хамрагдсан малын мэдээллийг тулган нягтлах, зөрүү гарсан

тохиолдолд шалтгааныг тодруулж цахим системийн үр дүн оруулах хэсгийн тодруулга хэсэгт тэмдэглэх;

4.4. Аймгийн Мал эмнэлгийн газрын мэдээ, мэдээлэл хариуцсан мэргэжилтэн дархлаажуулалтын өдөр тутмын болон нөхцөл байдлын мэдээллийг тарилга эхэлсэн өдрөөс хойш цахимаар илгээсэн хүснэгтийн дагуу өдөр бүрийн 16:00 цагт багтаан Undarmaa@bkh.vet.gov.mn цахим хаягаар илгээх;

4.5. Отор нүүдлээр яваа малчдад нутаг сэлгэхдээ анхаарах асуудлаар тусгайлсан зөвлөмж өгөх, дархлаажуулалтад бүрэн хамруулах;

4.6. Тарилгын цуваа нэг бүрийн дүнг хянаж магадлах, малчдын тамгыг бүрэн даруулсан байх шаардлага тавих;

4.7. Дархлаажуулалтын тарилгын мэдээллийг хавсралт хүснэгтийн дагуу бөглөж тайланд хавсаргах;

4.8. Дархлаажуулалтын явцад гарсан зөрчлийг арилгуулах, давтан гаргахгүй байх, холбогдох хуулийн дагуу арга хэмжээг авч ажиллах;

4.9. Мал эмнэлгийн үйлчилгээний нэгжийн эмч нь тарилгын материалыг тарилга дууссанаас 15 хоногийн дотор МЭТ-т ирүүлсэн байх, тарилгын гүйцэтгэлд Мал эмнэлгийн улсын байцаагч технологийн хяналт тавьж ажиллах, дархлаажуулалтын ажлын илтгэх хуудас (нэгдсэн тайлан)-ыг Adiyasuren@bkh.vet.gov.mn цахим хаягаар ирүүлэх зэргээр тайлагнаж ажиллана уу.

ЗУРГАА. ХАРИУЦЛАГА


6.1 Мал эмнэлгийн үйлчилгээний нэгжийн эмч нар дархлаажуулалтад хамрагдаж буй малчин өрхийн үхэр сүргийг бүрэн хамруулаагүйгээс шалтгаалан өвчлөл гарсан тохиолдолд

4.

6.2 Мал эмнэлгийн тасгийн улсын байцаагч дархлаажуулалтын явцын хяналт тавиагүй дүгнэлт гаргасан тохиолдолд хуулийн дагуу хариуцлага тооцно.

_____ оОо _____

Аймгийн Засаг даргын 2019 оны 2 дугаар сарын
27-ны өдрийн 1/30 дугаар захирамжийн
2 дугаар хавсралт



**БОГ МАЛЫГ МЯЛЗАН, ЦЭЦЭГ ӨВЧНӨӨС УРЬДЧИЛАН
СЭРГИЙЛЭХ ХАМ ВАКЦИНЫ ДАРХЛААЖУУЛАЛТЫН
ТӨЛӨВЛӨГӨӨ**

д/д	Сумын нэр	Хамрагдах малын тоо		Шаардагдах вакцин		Хүлээн авсан гарын үсэг	Он сар
		Бод	Бог	Вакцин мл	Вакцин тун		
1	Богд		62000		62000		
2	Баянлиг		40000		40000		
3	Баянговь		26000		26000		
4	Өлзийт		12000		12000		
5	Жинст		46000		46000		
6	Бууцагаан		30000		30000		
Нийт			216,000		216,000		

-----oO-----